



Ráðhús Reykjavíkur  
Borgarráð

***Efni: Alþjóðleg deild við Landakotsskóla***

Á 128. fundi skóla- og frístundaráðs, 22. nóvember 2017, var svohljóðandi tillaga skóla- og frístundaráðsfulltrúar Samfylkingarinnar, Bjartrar framtíðar, Vinstri grænna og Pírata samþykkt og vísað til borgarráðs, auk þess lagt fram minnisblað sviðsstjóra skóla- og frístundasviðs, dags. 16. nóvember 2017, um rekstur alþjóðlegrar deildar við Landakotsskóla, bréf mennta- og menningarmálaráðuneytisins, dags. 8. nóvember 2017, um framlengingu þróunarverkefnis til loka skólaársins 2017-2018, tölvubréf Landakotsskóla, dags. 20. nóvember 2017, varðandi framlengingu mennta- og menningarmálaráðuneytisins og minnisblöð sviðsstjóra skóla- og frístundasviðs, dags. 30. maí 2017 og 27. maí 2015:

Skóla- og frístundaráð samþykkir að ákvörðun skóla- og frístundaráðs frá 7. júní 2017 þar sem veitt var heimild fyrir stofnun og starfrækslu alþjóðadeildar við Landakotsskóla með fyrirvara um samþykkti mennta- og menningarmálaráðuneytisins verði endurupptekin. Endurupptaka fer fram til samræmis við upplýsingar frá mennta- og menningarmálaráðuneytinu, dags. 8. nóvember 2017, um að ekki sé hægt að afgreiða umsókn skólans um viðurkenningu og því hafi ráðuneytið ákveðið að framlengja þróunarverkefnið fram til loka skólaársins 2017 - 2018. Skóla- og frístundaráð samþykkir því að veitt verði heimild fyrir framlengingu á þróunarverkefni fram til skólaársins 2017 - 2018 fyrir allt að 70 nemendur. Fyrri samþykkt frá 7. júní 2017 varðandi viðmið um hámarksfjölda reykvískra nemenda sem heimilt er að greiða framlag vegna verði óbreytt.

Tillögunni er hér með vísað til borgarráðs.

Virðingarfyllt

Helgi Grímsson

sviðsstjóri skóla- og frístundasviðs

Hjálagt:

Minnisblað sviðsstjóra skóla- og frístundasviðs, dags. 16. nóvember 2017

Bréf mennta- og menningarmálaráðuneytisins, dags. 8. nóvember 2017

Tölvubréf Landakotsskóla, dags. 20. nóvember 2017

Minnisblað sviðsstjóra skóla- og frístundasviðs, dags. 30. maí 2017

Minnisblað sviðsstjóra skóla- og frístundasviðs, dags. 27. maí 2015



Reykjavíkurborg  
Skóla- og frístundasvið

Reykjavík, 16. nóvember 2017  
SFS2016060089  
129. fundur  
HG/gst/geb

Til skóla- og frístundaráðs

Frá Helga Grímssyni, sviðsstjóra skóla- og frístundasviðs

---

***Efni: Rekstur alþjóðlegrar deildar við Landakotsskóla***

Á 120. fundi skóla- og frístundaráðs þann 7. júní 2017 var samþykkt að veitt verði heimild fyrir stofnun og starfrækslu alþjóðadeildar við Landakotsskóla fyrir allt að 70 nemendur. Fyrirvari var gerður um að mennta- og menningarmálaráðuneyti veiti viðurkenningu til samræmis við 46. gr. laga um grunnskóla nr. 91/2008.

Jafnframt var samþykkt að viðmið um hámarksfjölda reykvískra nemenda sem heimilt væri að greiða framlag vegna til Landakotsskóla verði breytt með þeim hætti að miðað verði við að hámarksfjöldi reykvískra nemenda sem heimilt er að greiða framlag vegna geti orðið 234 í stað 189 frá upphafi skólaárs 2017 - 2018. Framlag verði greitt óháð því hvort reykvískur nemandi sé í almenna hlutaskólans eða í alþjóðadeild. Engu að síður verði skýrt í hvorum hluta skólans reykvískir nemendur eru. Sviðsstjóra var falið að gera viðauka við núverandi samning aðila frá 20. október 2015 þar sem kveðið er á um fjölgun nemenda.

Framangreint var jafnframt samþykkt í borgarráði þann 15. júní 2017.

Skóla- og frístundasviði hafa borist upplýsingar frá Landakotsskóla um að skv. bréfi mennta- og menningarmálaráðuneytisins, dags. 8. nóvember 2017, sé ekki hægt að afgreiða umsókn skólans um viðurkenningu og hafi ráðuneytið ákveðið að framlengja þróunarverkefnið fram til loka skólaársins 2017 -2018. Vegna þessa hefur skólinn óskað eftir því að Reykjavíkurborg samþykki að framlengja þróunarverkefnið.

Um forsögu málsins er vísað til minnisblaða sviðsstjóra til skóla- og frístundaráðs, dags. 27. maí 2015 og 30. maí 2017. Fram kemur m.a. í minnisblaði, dags. 30. maí 2017, að starfsmenn á skrifstofu skóla- og frístundasviðs hafi farið í matsheimsókn í Landakotsskóla í maí sl. til að kanna líðan nemenda, fylgjast með námi og kennslu ásamt því að skoða innra skipulag skólans. Markmiðið var einnig að koma með ábendingar um leiðir til framfara. Skólastjórnendur Landakotsskóla hafa fengið afhent drög að skýrslu um eftirlitsheimsóknina í hafa nú tækifæri til að koma á framfæri athugasemdum. Gert er ráð fyrir að skólinn skili umbótaáætlun innan 6 – 8 vikna.



MENNTA- OG  
MENNINGARMÁLARÁÐUNEYTIÐ

Sölvhólsögðu 4 · 101 Reykjavík  
sími: 545 9500 · bréfasími: 562 3068  
postur@mrm.is · menntamálaráðuneyti.is

Landakotsskóli  
Ingibjörg Jóhannsdóttir, skólastjóri  
Túngötu 15  
101 Reykjavík

Reykjavík 8. nóvember 2017  
Tilv.: MMR17100104/8.4-


Í júlí 2015 samþykkti mennta- og menningarmálaráðuneytið að veita Landakotsskóla, samkvæmt beiðni þar um, tímabundna heimild til að reka alþjóðadeild innan skólans sem þróunarskóli á næstu tveimur skólaárum á grundvelli 44. gr. grunnskólalaga.

Landakotsskóli sendi ráðuneytinu dags. 31. maí 2017 beiðni um viðurkenningu til að reka alþjóðadeild innan skólans. Í kjölfar þess sendi Landakotsskóli beiðni til Menntamálastofnunar um viðurkenningu til að reka alþjóðlega deild innan skólans.

Þar sem ekki hefur verið hægt að afgreiða umsókn skólans um viðurkenningu hefur ráðuneytið ákveðið að framlengja þróunarverkefnið fram til loka skólaársins 2017-2018.

Fyrir hönd ráðherra

  
Hellen Gunnarsdóttir

  
Sigríður Lára Ásbergisdóttir

**From:** Ingibjörg Jóhannsdóttir [<mailto:Ingibjorg@landakotsskoli.is>]  
**Sent:** 20. nóvember 2017 19:24  
**To:** Guðrún Sigtryggsdóttir  
**Afrit:** Guðrún Edda Bentsdóttir  
**Subject:** SV: framlenging-bref-MMRN

Vegna framlengingar á leyfi ráðuneytis til Landakotsskóla vegna rekstur alþjóðadeildar.

Landakotsskóli sendi síðast liðið vor upplýsingar til Skóla- og frístundasviðs vegna tilraunverkefnis sem skólinn fór af stað með haustið 2015. Markmið verkefnisins var að byggja upp alþjóðlega deild innan skólans. Skóla- og frístundaráð samþykkti áframhaldandi rekstur deildarinnar á fundi 7. júlí síðast liðinn. Samþykkið var veitt með fyrirvara um að skólinn fengi viðurkenningu ráðuneytis í samræmi við 46. greinar laga um grunnskóla.

Vegna vandkvæða við lokaafgreiðslu málsins frá Menntamálaráðuneyti var ákveðið að einfaldast væri að framlengja leyfi sem ráðuneytið hafði þegar veitt og láta það gilda út yfirstandandi skólaár. Í viðhengi er bréf ráðuneytis.

Skólinn upplýsir hér með um stöðu mála og er samþykkur þessum ráðahag. Skólinn fer fram á að framlenging á leyfi ráðuneytis hafi ekki áhrif á þá ákvörðun sem þegar hefur verið tekin í skóla- og frístundaráði þar sem veitt var leyfi til starfrækslu alþjóðadeildar og að framlag sé greitt með 234 nemendum Landakotsskóla, hvort heldur þeir séu í almennum eða alþjóðlegum hluta skólans.

Með góðum kveðjum,

Ingibjörg Jóhannsdóttir

Skólastjóri.





Reykjavíkurborg  
Skóla- og frístundasvið

Reykjavík, 30. maí 2017  
SFS2016060089  
120. fundur / fskj. 2/7  
HG/gst/geb

Til skóla- og frístundaráðs

Frá Helga Grímssyni, sviðsstjóra skóla- og frístundasviðs

### ***Efni: Rekstur alþjóðlegrar deildar við Landakotsskóla***

#### **I forsaga málsins**

Í bréfi til skóla- og frístundaráðs, dags. 12. maí 2015, óskaði skólastjóri Landakotsskóla eftir því að skólinn fengi heimild til að þróa námsframboð sitt og bjóða upp á nám á ensku í samræmi við alþjóðlega staðla haustið 2015. Deildin var talin mæta aukinni þörf fyrir námstilboð á ensku fyrir stækkandi hóp barna erlenda starfsmanna hjá íslenskum og erlendum fyrirtækjum auk barna starfsmanna við erlend sendiráð hér á landi. Skólinn hafði þá þegar fengið umsóknir frá foreldrum 20 barna sem óskuðu eftir slíkri deild við Landakotsskóla. Upphafleg umsókn gerði ráð fyrir 24 nemendum við deildina í þrískiptum aldursþópum. Skólinn hafði áform um að sækja um undanþágu frá því að kenna eftir aðalnámskrá grunnskóla eins og kveðið er á um í kafla 16.4 í aðalnámskránni. Skólinn lagði fram drög að viðmiðunarstundaskrá og gerði grein fyrir í hverju frávik frá aðalnámskrá yrðu fólgin ásamt því að greina frá því á hvern hátt námið í alþjóðlegri deild yrði samtvinnað hefðbundnu starfi skólans. Í umsókn kom einnig fram að unnið yrði að uppbyggingu alþjóðlegrar námskrár innan skólans og sótt um alþjóðlega vottun í kjölfarið. Skólinn hafði skoðað nokkra möguleika til vottunar og þegar sótt um vottun hjá Cambridge International Examinations sem er hluti af háskólanum í Cambridge (<http://www.cie.org.uk/>) en um 10.000 skólar í 160 löndum starfa eftir þeirri námskrá.

Á 80. fundi skóla- og frístundaráðs sem haldinn var 3. júní 2015 var samþykkt að heimila Landakotsskóla að hefja tveggja ára tilraunaverkefni um stofnun og starfrækslu alþjóðadeildar við skólann fyrir allt að 24 nemendur, þar af 13 reykvíska nemendur, og var sviðsstjóra falið að ganga til samninga við forsvarsmenn skólans á þeim forsendum.

#### **II Greinargerð Landakotsskóla um starfsemina og athugun skóla- og frístundasviðs**

Skólastjóri Landakotsskóla skilaði skóla- og frístundasviði greinargerð um framgang tilraunaverkefnisins í byrjun maí sl. Þar óskaði skólastjórinn eftir því að rekstri alþjóðadeildarinnar við skólann væri fram haldið og að skólinn fái endanlegt leyfi frá Reykjavíkurborg til að halda áfram rekstri deildarinnar. Í greinargerðinni er gerð grein fyrir hvernig starfið í deildinni hefur þróast og hvernig aðsókn hefur aukist. Haustið 2017 er t.a.m. gert ráð fyrir að heildarfjöldi í alþjóðadeildinni verði allt að 67 nemendur. Deildin starfar nú

eftir alþjóðlegri námskrá Cambridge International Examinations (CIE) og hefur hlotið vottun þeirrar stofnunar. Í greinargerðinni er fjallað um hvernig samstarf alþjóðadeildar og almenna hluta skólans hefur þróast á þeim tveimur skólaárum sem deildin hefur starfað. Jafnframt kemur fram að nemendur í alþjóðadeild ljúka IGSE prófi (International General Certificate of Secondary Education) og geta hafið IB-nám í Menntaskólanum við Hamrahlíð að loknu námi í alþjóðadeild Landakotsskóla. Enn fremur er fjallað um ávinning skólans af starfi alþjóðadeildarinnar sem m.a. felst í fjölbreyttari nemendahópi, aukinni frönskukennslu við skólann, nemendur í almennum bekkjardeildum geta sótt krefjandi enskunám í alþjóðadeild, val á unglíngastigi hefur aukist sem skiptir lítinn skóla miklu máli, kennarar í hlutastarfi hafa fengið aukið starfshlutfall, frístund hefur eflst þar sem bæði nemendur í almenna hluta og alþjóðadeild una við leik og starf, félagsstarf á miðstigi hefur aukist og skólustarfið í heild er öflugra og fjölbreyttara. Foreldraráð alþjóðadeildarinnar hefur unnið náði með foreldraráði almennu bekkjardeildanna, ráðin skipulagt saman viðburði, staðið fyrir fjáröflun og verið til samráðs um inntak og skipulag skólustarfsins, eins og lög og reglugerðir gera ráð fyrir.

Í greinargerðinni er sérstaklega dregið saman hvernig tilraunaverkefnið hefur verið metið jafn óðum í skólustarfinu og hvernig brugðist hefur verið við formlegu og óformlegu mati. Á haustmíssi 2015 var t.a.m. matsfundur meðal kennara og starfsfólks þar sem farið var yfir ávinning af starfsemi alþjóðadeildarinnar og hvað mætti betur fara. Í kjölfar þess fundar voru gerðar breytingar á list- og verkgreinastofum, útbúin náttúrufræðistofa og sérkennsluver endurskipulagt ásamt því að skerpa á skólareglum og þýða þær á ensku. Á kennarafundum hefur verið fjallað um framgang verkefnisins og haldnir nokkrir fundir með fulltrúum foreldra í alþjóðadeildinni, m.a. til að ákveða hvaða námskrá yrði lögð til grundvallar í starfi deildarinnar. Christine Brown, starfsmaður utanríkisráðuneytis Bandaríkjanna, sem hefur það verkefni að styðja við alþjóðlegt nám sem starfsmenn sendiráða nýta víða um heim, heimsótti skólann og gaf starfinu sín bestu meðmæli. Vorið 2016 var gerð könnun á viðhorfum nemenda til kennslu í þeim greinum þar sem nemendur alþjóðadeildar og almenna hluta skólans sóttu saman. Niðurstaðan benti til þess að viðhorf nemenda var neikvæðara til þess að kenna bæði á íslensku og ensku í ákveðnum greinum og var því ákveðið að aðskilja þá hópa haustið 2016 en halda áfram með þá hópa þar sem vel hafði gengið, s.s. í sundi, dansi og íþróttum.

Cambridge háskólinn gerði formlega úttekt á starfinu í apríl/maí 2016. Kallað var eftir margvíslegum gögnum fyrir matsheimsóknina, fundað var með foreldrum, stjórnarmönnum, skólustjóra, kennurum, deildarstjóra og nemendum. Niðurstaðan var sú að skólinn stóðst allar kröfur samtakanna nema hvað varðaði geymslu skriflegra lokaprófa sem þarf að vera tilbúin áður en fyrstu skriflegu lokaprófin verða væntanlega vorið 2018. Einnig þurfti skólinn að koma upp sérstakri raungreinastofu sem uppfyllti ákveðin skilyrði og ráða kennara til kennslu raungreina í 9. – 10. bekk sem lokið hefði BS-prófi í raungreinum. Var það skilyrði uppfyllt í júní 2016.

Haustið 2016 voru haldnir fundir með fulltrúum nokkurra sendiráða til að ræða framgang verkefnisins þar sem í ljós kom almenn ánægja meðal starfsfólks sendiráðanna. Von er á fleiri börnum sendiráðsstarfsmanna á næstunni sem bendir til þess að starfið hafi spurst vel út meðal þessara aðila.

Námsárangur nemenda hefur verið mældur með fjórum stöðluðum prófum:

- *MAP (Measure of Academic Progress)* metur stöðu í lestri, málnotkun og ritun auk raungreina og stærðfræði og hefur verið lagt fyrir alla 5 – 15 ára nemendur frá vori 2016. Nemendur í 7. – 10. bekk í almenna hluta skólans og alþjóðadeildinni hafa tekið MAP (Measure of Academic Progress) til að meta framfarir og stöðu þeirra í lesskilningi, ritun og málfræði, stærðfræði og náttúrufræði og til að bera stöðu þeirra

saman við jafnaldra þeirra víða um heim og voru nokkrir þeirra með 5% hæstu í sínum hópi á heimsvísu.

- *Cambridge Progression* prófin eru samin af Cambridge háskóla og lögð fyrir alla nemendur á aldrinum 5 – 14 ára að vori til að meta stöðu í stærðfræði, lestri og vísindum. Þessi próf voru í fyrsta sinn lögð fyrir nemendur í Landakotsskóla vorið 2017. Kennarar skólans fara yfir niðurstöður en fylgja úrlausnum frá Cambridge.
- *Cambridge Checkpoint* próf eru lögð fyrir nemendur þegar þeir fara á milli námsstiga eða í 5. bekk og í lok 8. bekkjar. Niðurstöður eru sendar til Cambridge til yfirferðar.
- *Cambridge IGCSE* er lögð fyrir í öllum námsgreinum sem nemandinn hefur lagt stund á udangengin tvö ár og eru niðurstöður sendar til Cambridge til yfirferðar. Enn hefur enginn nemandi Landakotsskóla þreytt þessi próf en gert er ráð fyrir að þau verði í fyrsta sinn lögð fyrir vorið 2018.

Stjórn sjálfseignarstofnunarinnar hefur reglulega metið framgang verkefnisins, farið yfir kostnað í tengslum við verkefnið og önnur mál sem tengjast starfi alþjóðadeildarinnar. Stofnkostnaður var nokkur en deildin stendur nú undir sér eins og aðrir þættir skólastarfsins að sögn skólastjóra Landakotsskóla.

Af ofangreindu má vera ljóst að mjög vel hefur verið staðið að starfi og rekstri alþjóðadeildar við Landakotsskóla þessi tvö skólaár sem deildin hefur verið starfrækt sem tilraunaverkefni. Stjórnendur skólans hafa borið metnað til að þróa starfið áfram í samstarfi við starfsfólk, foreldra og nemendur skólans. Niðurstöður vottunar sem CIE stóð fyrir vorið 2016 bendir einnig til þess að vel hafi verið staðið að stofnun deildarinnar og þróun starfsins. Námsárangur nemenda virðist vera sambærilegur við jafnaldra í öðrum deildum um víða veröld og standast samanburð við sambærilegar deildir annars staðar. Nemendur sem útskrifast úr alþjóðadeild Landakotsskóla geta sótt um skólavist í IB-deild Menntaskólans við Hamrahlíð sem tryggir þeim áframhaldandi nám á ensku hér á landi. Aðsókn að deildinni hefur aukist jafnt og þétt og hróður hennar borist víða um alþjóðasamfélagið hér á landi. Að sögn skólastjóra Landakotsskóla sækja öll börn núverandi sendiráðsstarfsmanna hér á landi nú alþjóðadeild skólans.

Starfsmenn á skrifstofu SFS fóru í tengslum við ofangreinda umsókn í matsheimsókn í Landakotsskólann í vikunni 22. – 26. maí sl. til að kanna líðan nemenda, fylgjast með námi og kennslu ásamt því að skoða innra skipulag skólans. Markmiðið var einnig að koma með ábendingar til stjórnenda skólans um leiðir til framfara. Skoðuð voru gögn, s.s. skólanámskrá og starfsáætlun skólans, námsmat alþjóðadeildarinnar, greinargerð um starf alþjóðadeildarinnar, heimasíða skólans og ýmis gögn sem afhent voru að beiðni matsaðila. Auk þess var gagna aflað með athugunum í kennslustundum og viðtali við skólastjóra. Hluti viðmiða um gæðastarf í skólastarfi, um stjórnun og nám og kennslu, voru m.a. notuð til að leggja mat á skólastarfið. Niðurstaða matsins var sú að almennt væri skólinn aðlaðandi og vistlegur. Nemendum virðist líða vel og samskipti almennt góð. Þar sem alþjóðadeildin er hluti af Landakotsskóla sem á sér langa sögu er skólalífið almennt í föstum skorðum. Þó eru ýmis tækifæri til að gera betur, s.s. að endurskoða skólanámskrá og starfsáætlun og birta á heimasíðu, uppfæra náms- og kennsluáætlanir almenna hluta skólans og birta á heimasíðu, setja tengla á heimasíðu sem vísa á Cambridge námskrána og upplýsingar fyrir foreldra, birta náms- og kennsluáætlanir á ensku og íslensku í öllum greinum sem Cambridge námskráin tekur ekki á, endurskoða skólareglur og kynna þær árlega fyrir nemendum, kanna á hverju ári líðan og viðhorf nemenda alþjóðadeildarinnar og afla leyfisbréfa og/eða undanþágu fyrir þá kennara sem ekki hafa vottun frá mennta- og menningarmálaráðuneytinu.

Skrifstofa SFS telur sig því geta mælt með því að gengið verði til samninga við stjórnendur Landakotsskóla um áframhaldandi starfsemi alþjóðadeildarinnar við skólann og henni tryggður rekstrargrundvöllur í framtíðinni. Með því að fjölga nemendum við skólann er hægt að bjóða upp á fjölbreyttara skólastarf og auka valmöguleika nemenda í námi. Nemendur í almennum bekkjardeildum sem hafa búið í ensku málumhverfi geta sótt krefjandi enskunám við hæfi í alþjóðadeildinni. Frístundastarf og félagsstarf hefur eflst þar sem báðir málhópar nýta frístundaheimilið og hægt hefur verið að bjóða upp á fjölbreyttara félagsstarf á mið- og unglíngastigi. Þessir þættir geta allir orðið til þess að auka valmöguleika foreldra af erlendum uppruna varðandi skólavist barna sinna og gera þeim auðveldara að setjast hér að tímabundið eða til framtíðar.

### III Fjárframlög Reykjavíkurborgar til Landakotsskóla

Þjónustusamningur um framlag vegna nemenda í skólanum sem eiga lögheimili í Reykjavík og fósturbarna ef fósturforeldrarnir eiga heimili í Reykjavík var undirritaður 20. október 2015. Þar er kveðið á um að heimilt sé að greiða framlag vegna 158 reykvískra nemenda. Viðauki við þann samning var síðan undirritaður 19. janúar 2016 sem kvað á um að Landakotsskóla væri heimilt að starfrækja alþjóðadeild fyrir allt að 45 nemendur og að skóla- og frístundasviði væri heimilt að greiða framlag vegna 171 reykvísks nemanda þann tíma sem viðaukinn gildir óháð því hvort viðkomandi nemendur væru skráðir í almenna hluta skólans eða alþjóðadeildina. Gildistíma viðaukans lýkur 31. maí 2017 og verður þá einnig greidd út síðasta greiðsla til Landakotsskóla á forsendum viðauka sem samþykktur var í tengslum við alþjóðadeildina. Með samþykkt skóla- og frístundaráðs þann 14. desember 2016 og borgarráðs þann 22. desember 2016 var heimilað að greiða framlag vegna 7 nemenda til viðbótar frá 1. janúar 2017 og með 20 nemendur til viðbótar frá upphafi skólaársins 2017 – 2018. Auk þess var samþykkt á fundi skóla- og frístundaráðs þann 22. mars 2017 og í borgarráði þann 30. mars 2017 að heimilt yrði að greiða framlag vegna fjögurra barna til viðbótar frá 1. apríl 2017. Frestað var afgreiðslu umsóknar um að heimilt verði að greiða framlag vegna 20 reykvískra nemenda frá upphafi skólaárs 2017 – 2018 og umsóknar um að greitt verði framlag vegna fleiri fimm ára barna en nú er. Með vísan til framangreinds er heimilt að greiða framlag vegna 189 reykvískra barna frá upphafi skólaársins 2017 – 2018.

Í greinargerð Landakotsskóla kemur fram að í vetur verða um 260 nemendur við skólann en ef allar bekkjardeildir væru fullsetnar gæti fjöldi nemenda verið allt að 332, þar af gætu að hámarki verið 90 nemendur í alþjóðadeildinni. Til að mæta óskum foreldra um skólasókn barna þeirra við Landakotsskóla þurfi að fjölga þeim nemendum sem skólinn fær greidd framlög vegna frá Reykjavíkurborg um a.m.k. 32 nemendur fyrir næsta vetur. Til að fullnýta húsnæði skólans telur skólastjóri Landakotsskóla að lyfta þyrfti þaki þjónustusamnings um 92 nemendur. Fram kemur að ekki er þörf á að auka fjölda nemenda í leikskóladeild en sótt hefur verið um skólavist fyrir 20 nemendur með lögheimili í Reykjavík en þjónustusamningur vegna leikskóladeildar gerir ráð fyrir 22 nemendum.

Með vísan til framangreinds er litið svo á að Landakotsskóli fari fram á að í tengslum við viðurkenningu alþjóðadeildar við Landakotsskóla samþykki Reykjavíkurborg að greiða framlag vegna 32 nemenda að viðbættum 13 nemendum sem greitt hefur verið framlag vegna í alþjóðadeild sem þróunarskóla eða samtals vegna 45 reykvískra nemenda.

Skv. 43. gr. b. laga um grunnskóla nr. 91/2008 með síðari breytingum á sjálfstætt rekinn grunnskóli sem gert hefur þjónustusamning á rétt á framlagi úr sveitarsjóði til starfsemi sinnar vegna nemenda sem hafa lögheimili í því sveitarfélagi sem skólinn starfar í. Skal framlagið nema að lágmarki 75% af vegnu meðaltali heildarrekstrarkostnaðar allra grunnskóla sem reknir eru af sveitarfélögum í landinu á hvern nemanda samkvæmt útreikningi Hagstofu



Íslands. Gildir þetta hlutfall fyrir skóla með allt að 200 nemendur, en framlagið skal vera að lágmarki 70% fyrir hvern nemanda umfram þann fjölda.

Sk. 2. og 3. mgr. 3. gr. reglugerðar nr. 1270/2016 um ákvörðun framlaga úr sveitarsjóði til sjálfstætt rekinna grunnskóla skal útreikningur Hagstofu Íslands vegna komandi skólaárs liggja fyrir í september ár hvert. Útreikningur skal byggður á ársreikningum sveitarfélaga fyrir liðið ár, að teknu tilliti til verðlagsbreytinga til þess dags sem útreikningur er gerður. Verðlagsbreytingar skulu taka mið af almennum launahækkunum starfsmanna grunnskóla og breytingum á vísitölu neysluverðs að teknu tilliti til vægis hvors þáttar fyrir sig í rekstrarkostnaði grunnskólanna. Hagstofa Íslands tekur saman 90 dögum eftir að viðmiðunarmánuði lýkur og birtir fimmta dags hvers mánaðar, á tímabilinu frá október og fram til ágúst, framreiknað framlag skv. 1. mgr. Við framreikning þess skal tekið tillit til verðlagsbreytinga sem orðið hafa frá ákvörðun framlags skv. 1. mgr., þ.e. almennra launahækkana starfsmanna grunnskóla og breytinga á vísitölu neysluverðs, miðað við vægi hvors þáttar í rekstrarkostnaði grunnskóla.

Áætlaður árlegur rekstrarkostnaður á hvern nemanda í grunnskólum, sem reknir eru af sveitarfélögum, var kr. 1.755.187 í mars 2017. Miðað við að greitt sé 75% af þeirri fjárhæð er árlegt framlag sveitarfélags á hvern nemanda í sjálfstætt reknum grunnskóla kr. 1.382.210.- Gert er ráð fyrir 5% álagi á framangreinda fjárhæð. Ef miðað er við 70% þá er árlegt framlag sveitarfélagsins pr. nemanda miðað við mars 2017 kr. 1.228.631 að viðbættu 5% álagi kr. 1.290.063.-

Fastur kostnaður Reykjavíkurborgar vegna hvers nemanda að því gefnu að pláss sé fyrir hann í grunnskóla Reykjavíkurborgar er u.þ.b. 679.000- eða u.þ.b. 35% af áætluðum árlegum rekstrarkostnaði á hvern nemanda í grunnskólum Reykjavíkurborgar.

Heildargreiðslur vegna 45 reykvískra nemendur til viðbótar til Landakotsskóla, 45 x 1.382.210, verða því kr. 62.199.450 á ársgrundvelli miðað við að greitt sé 75% af áætluðum árlegum rekstrarkostnaði. Ef miðað er við 70% af áætluðum rekstrarkostnaði er um að ræða kr. 58.052.835.-

Ef miðað er við að breyting á verðlagi leiði til 5% hækkunar á framlaginu má gera ráð fyrir að aukin framlög til skólans frá upphafi skólaársins 2017 - 2018 vegna 45 reykvískra nemenda verði kr. 27.826.110 á árinu 2017 miðað við 75% en 25.970.985 miðað við 70%.

Ekki er gert ráð fyrir auknum framlögum frá því sem nú er til Landakotskóla í fjárhagsáætlun skóla- og frístundasviðs vegna ársins 2017.



Reykjavíkurborg  
Skóla- og frístundasvið

Reykjavík, 27. maí 2015  
SFS2015040095  
80. fundur / fskj. 11.2  
RP

## MINNISBLAÐ

**Viðtakandi:** Skóla- og frístundaráð

**Sendandi:** Ragnar Þorsteinsson, sviðsstjóri skóla- og frístundasviðs

---

### *Efni: Áform Landakotsskóla um þróun náms í takti við alþjóðleg viðmið*

Sviðsstjóra skóla- og frístundasviðs barst erindi frá skólustjóra Landakotsskóla, dags. 29. apríl 2015, þess efnis að skólinn hefði hug á að þróa áfram námstilboð sitt og bjóða á næsta skólaári upp á nám á ensku í samræmi við alþjóðlega staðla í einni deild við skólann. Nám af þessu tagi muni mæta þörf ört stækkandi hóps barna erlendra starfsmanna hjá íslenskum og erlendum fyrirtækjum auk barna starfsmanna við erlend sendiráð hér á landi. Vísað var til þess að hlutfall tvítýngdra nemenda væri mun hærra en í nágrannaskólunum og að tungumálanám í skólanum væri 40% meira en almennt gerist. Stjórnendur skólans telja sig hafa húsnæði fyrir starfseminna en gert er ráð fyrir að hver aldurshópur fengi sérstaka stofu til umráða en að alþjóðlega deildin myndi njóta kennslu með öðrum nemendum skólans í list- og verkgreinum og samnýta húsnæði skólans fyrir þá kennslu. Gert er ráð fyrir að þrjú nýir kennarar yrðu ráðnir að skólanum til að annast kennslu í alþjóðlegri deild og sérstakur deildarstjóri í hlutastarf. Nemendahópar yrðu þrjú, einn á hverju aldursstigi en að nemendur yrðu á aldrinum 6 – 15 ára. Um væri að ræða tilraunaverkefni til tveggja ára sem yrði notað til að vinna að uppbyggingu alþjóðlegrar námskrár og sækja um alþjóðlega vottun á starfinu.

Óskað var eftir nánari greinargerð um starfseminna þar sem m.a. yrði gerð grein fyrir því í hverju námskrá og starf í alþjóðlegri deild myndi væntanlega víkja frá aðalnámskrá grunnskóla frá 2011. Sú greinargerð barst skrifstofu skóla- og frístundasviðs og er dags. 12. maí 2015. Í þeirri greinargerð er nánari skilgreining á því hvernig gert er ráð fyrir að kennslumagn í alþjóðlegri deild víki frá viðmiðunarstundaskrá aðalnámskrár. Þar kemur fram að gert er ráð fyrir að kennsla í kjarnagreinum fari fram á ensku og að óskað verði eftir undanþágu frá kennslu í dönsku en nemendur fá 2 kest. á viku í frönsku í staðinn. Gert er ráð fyrir að kennslumagn verði umtalsvert meira en viðmiðunarstundaskrá gerir ráð fyrir eða 40 – 42 kest. á viku. Kennsla í ensku hafi svipað tímamagn og íslenska hjá íslenskum nemendum en kennsla í stærðfræði og náttúrufræði umtalsvert meira. Nemendur fá 1 kest. á viku í íslenskri menningu og tungu og svipað kennslumagn í samfélagsfræði og íslenskir nemendur. Greint er frá því að nemendur í alþjóðlegri deild taki þátt í félagslífi með öðrum nemendum skólans m.a. með það að markmiði að samlagast skólasamfélagi Landakotsskóla. Áætlað er að námsmat fari fram með s.k. MAP prófum sem tryggir samanburð við önnur alþjóðleg námstilboð. Einnig eru áform um að skoða erlenda vottunaraðila til að votta starfið og hefur skólinn þegar sótt um samstarf við einn vottunaraðila.

Fram hefur komið að stjórnendur Landakotsskóla hafa þegar sótt til mennta- og menningarmálaráðuneytis um undanþágu frá því að kenna eftir aðalnámskrá eins og gr. 16.4 í aðalnámskránni gefur möguleika á og að ráðuneytið hafi óskað eftir afstöðu Reykjavíkurborgar til verkefnisins ásamt upplýsingum um hvernig eftirliti með verkefninu verði háttað.

Skrifstofa skóla- og frístundasviðs hefur nú þegar á höndum eftirlit með starfsemi Landakotsskóla eins og öðrum sjálfstætt reknum skólum í borginni. Skólinn hefur tekið þátt í heildarmati á vegum skrifstofunnar og hefur um árabíl uppfyllt skilyrði um skil á starfsáætlunum og skóladagatölum ásamt því að taka þátt í lesskimun í 2. bekk og stærðfræðiskimun í 3. bekk eftir því sem aðstæður hafa leyft.

Skv. 44. gr. laga um grunnskóla nr. 91/2008 getur ráðherra veitt sveitarfélögum og sjálfstætt reknum grunnskólum heimild til að reka þróunarskóla eða gera tilraunir með ákveðna þætti skólastarfs með undanþágu frá ákvæðum grunnskólalaga, reglugerða settra á grundvelli þeirra og aðalnámskrár grunnskóla. Slíkum tilraunum skulu ávallt sett eðlileg tímamörk og kveðið á um úttekt að tilraun lokinni. Heimilt er að styrkja þróunarskóla og sérstakar nýjungar eftir því sem fjárlög heimila hverju sinni.

Skrifstofa skóla- og frístundasviðs sér enga annmarka á að Landakotsskóli takist á hendur þróunarverkefni til tveggja ára um að hefja kennslu í alþjóðlegri deild haustið 2015 í samræmi við þá lýsingu á verkefninu sem borist hefur frá skólanum og telur að verkefnið uppfylli skilyrði laga og reglugerða um skólastarf. Gerður er fyrirvari varðandi húsnæði skólans með vísan til reglugerðar um gerð og búnað grunnskólahúsnæðis og skólalóða en fram hefur komið að núverandi húsnæði Landakotsskóla verði nýtt.

Gert er ráð fyrir að í alþjóðlegri deild verði 13 börn með lögheimili í Reykjavík. Framlag Reykjavíkurborgar til sjálfstætt rekinna grunnskóla er 1.162þús. kr. á ári pr. nemanda. Sú upphæð er 75% að landsmeðaltalskostnaði við grunnskólabarn skv. Hagstofu Íslands. Um það bil helmingur þessa kostnaðar er fastur og helmingur breytilegur. Viðbótarkostnaður Reykjavíkurborgar pr. nemanda er því 581þús. kr. á ári pr. nemanda þ.e. fasti kostnaðurinn. Miðað við 13 reykvíska nemendur þá er hér um tæpar 7,5millj. kr. viðbótarkostnað að ræða fyrir Reykjavíkurborg á ári – en 3,1millj. frá hausti 2015 til áramóta 2015/16. Umræddir fjármunir eru ekki í fjárheimildum Skóla- og frístundasviðs.

Gera má ráð fyrir að óskað verði eftir að viðurkenningar alþjóðlegrar deildar skólans til samræmis við 43. gr. laga um grunnskóla nr. 91/2008 eftir að þróunarverkefninu lýkur. Grunnskólar sem hljóta viðurkenningu ráðherra eiga rétt á framlagi úr sveitarsjóði til starfsemi sinnar vegna nemenda sem eiga lögheimili í því sveitarfélagi sem skólinn starfar og vegna barna sem ráðstafað hefur verið í fóstur til fósturforeldra sem eiga lögheimili í sveitarfélaginu. Heimilt er í þjónustusamningi að takmarka framlag úr sveitarsjóði við hámarksfjölda nemenda.

Nú stendur yfir gerð þjónustusamninga við sjálfstætt rekna grunnskóla og var lagt til að hámarksfjöldi reykvískra nemenda í Landakotsskóla mætti ekki fara yfir 141. Hámarks fjöldi nemenda skv. samningnum yrði að endurskoða komi til þess að alþjóðleg deild fái viðurkenningu ráðuneytisins að tilraunátíma liðnum.